

**Najib Minta Semua Pihak Hentikan Pertumpahan Darah Di Kaherah**  
**Bernama**  
**15 Ogos, 2013**

KUALA LUMPUR, 15 Ogos (Bernama) -- Datuk Seri Najib Tun Razak menggesa semua pihak yang terlibat dalam insiden pertumpahan darah di Kaherah, Mesir, baru-baru ini supaya menghentikan permusuhan dengan serta merta dan berusaha ke arah penyelesaian damai.

Perdana Menteri dalam posting terbaru dalam akaun Twitter dan Facebooknya pada Rabu juga meminta pihak berkuasa negara itu supaya jangan bertindak melulu.

"Kami risau dengan laporan keganasan terhadap penunjuk perasaan di Mesir," katanya.

Beliau juga melahirkan rasa kesal dengan kematian orang awam dalam pertempuran antara pasukan keselamatan dengan penyokong bekas presiden Mesir, Mohamed Morsi di dua dataran utama di Kaherah.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=970031>